



British Embassy
Sarajevo



UKaid
from the British people



KANTON SARAJEVO
Ured za borbu protiv korupcije i
upravljanje kvalitetom



INFORMACIJSKA LISTA

Ured za borbu protiv korupcije i
upravljanje kvalitetom Kantona Sarajevo

100 DANA PRIMJENE

Zakona o prevenciji i suzbijanju korupcije u Kantonu Sarajevo

April, 2023. godine

SUKOB INTERESA

Šta je Ured poduzeo u oblasti utvrđivanja sukoba interesa?

Ured za borbu protiv korupcije i upravljanje kvalitetom Kantona Sarajevo (Ured) pokrenuo je 30 postupaka za utvrđivanje postojanja sukoba interesa za nosioce javnih funkcija u Kantonu Sarajevo od 1. januara do 10. aprila 2023. godine.

16

postupaka za utvrđivanje sukoba interesa je okončano, dok je 14 postupaka u proceduri.

Za

3

nosioca javnih funkcija je utvrđeno postojanje sukoba interesa.

Za

13

nosilaca javnih funkcija nije utvrđeno postojanje sukoba interesa.

34

nosioca javnih funkcija je podnijelo ostavku ili je na drugi način odstupilo s funkcije prije nego što je Ured proveo postupak za utvrđivanje sukoba interesa.

Šta Zakon propisuje o sukobu interesa?

Sukob interesa predstavlja situacije u kojima nosilac javne funkcije ima privatni interes koji utiče, može uticati ili izgleda kao da utiče na zakonitost, otvorenost, objektivnost i nepristrasnost u vršenju javne funkcije

Nosiocu javne funkcije zabranjeno je da obavlja **više od jedne javne funkcije** u organima vlasti na nivou Kantona Sarajevo, Grada Sarajevo i opština na teritoriji Kantona Sarajevo, kao i na svim nivoima vlasti u BiH.

Nosilac javne funkcije dužan je da podnese ostavku ili na drugi način odstupi od nespojive funkcije u roku od 30 dana nakon preuzimanja zadnje nespojive funkcije.

Ured je nadležan za sve slučajeve utvrđivanja sukoba interesa i ovlašten da:

- donosi odluku o utvrđenom sukobu interesa;
- naloži nosiocu javne funkcije da podnese ostavku ili da odstupa sa funkcije;
- predlaže nadležnom organu razrješenje nosioca javne funkcije koji nije postupio po nalogu Ureda;
- izriče sankcije;
- daje mišljenja o postojanju sukoba interesa.

Odluke o utvrđenom sukobu interesa Ured će **objavljivati na svojoj internet stranici.**

PRIJAVA KORUPCIJE I ZAŠTITA PRIJAVITELJA KORUPCIJE

Šta je Ured poduzeo u oblasti prijave korupcije i zaštiti prijavitelja?

Zakon o prevenciji i suzbijanju korupcije u Kantonu Sarajevu (Zakon) propisao je načine za zaštićeno prijavljivanje korupcije, te je uposlenicima javnih institucija u Kantonu Sarajevu omogućio da dobiju status zaštićenih prijavitelja korupcije. Statusi zaštićenih prijavitelja korupcije koje je Ured dodijelio javnim službenicima od 1. januara do 10. aprila 2023. godine predstavljaju prve slučajeve zaštite prijavitelja korupcije na području Federacije Bosne i Hercegovine.

Ured je zaprimio 189 prijava korupcije u ovom periodu.	6 osoba zatražilo je od Ureda dodjelu statusa zaštićenog prijavitelja korupcije	5 osoba dobilo je status zaštićenog prijavitelja korupcije, a jedan zahtjev za dodjelu statusa je u proceduri.
217 institucija u Kantonu Sarajevo donijelo je pravilnike o internom prijavljivanju korupcije.	8 institucija obavijestilo je Ured o postupanju na osnovu internih prijava koje su ove institucije zaprimile.	

Šta Zakon propisuje o prijavama korupcije i zaštiti prijavitelja?

Korupcija podrazumijeva zloupotrebu povjerene funkcije, radne obaveze ili posla od strane nosioca javne funkcije ili javnog službenika koja može dovesti do sticanja privatne koristi.

Prijavitelj korupcije je fizičko lice koje prijavi korupciju u instituciji Kantona, Grada ili općina na teritoriji Kantona Sarajevo.

Korupcija se može prijaviti na **tri zaštićena načina**: interno – nadležnoj instituciji, eksterno – Uredu ili putem javne objave informacija iz kojih proizilazi sumnja da je izvršena korupcija.

Osoba može dobiti **status zaštićenog prijavitelja** korupcije ukoliko je korupciju prijavila na jedan od tri gore navedena načina.

Zakon pruža **zaštitu prijaviteljima korupcije** u svim oblastima javnog života.

U slučaju interne prijave korupcije, odgovorno lice u instituciji obavezno je preduzeti sve mjere za **otkrivanje, prevenciju, suzbijanje i kažnjavanje** svih oblika korupcije i mjere za **zaštitu prijavitelja korupcije**.

U slučaju interne prijave korupcije, odgovorna osoba u instituciji je dužna da osigura **internu zaštitu** prijavitelju korupcije koji zbog svoje prijave trpi štetne posljedice, a prijavitelj koji trpi štetne posljedice zbog prijave korupcije može tražiti **sudsku zaštitu**.

JAČANJE INTEGRITETA

Šta je Ured poduzeo u oblasti jačanja integriteta?

Zakon o prevenciji i suzbijanju korupcije u Kantonu Sarajevo definisao je oblast jačanja integriteta kao jedan od vidova prevencije korupcije u Kantonu Sarajevo. Tokom prvih 100 dana primjene Zakona, Ured je organizovao obuke za predstavnike institucija kako bi im približio pojam integriteta, sadržaj plana integriteta, način izrade plana, te ih upoznao sa jedinstvenom bazom svih planova integriteta javnih institucija u Kantonu Sarajevo.

218 institucija u Kantonu Sarajevo bilo je obavezno da donese planove integriteta.

211 institucija izradilo je i Uredu dostavilo planove integriteta.

7 institucija Uredu nije dostavilo planove integriteta.

Ured je izvršio procjenu svih 211 dostavljenih planova integriteta, od čega su:

✓ **33** plana usklađena sa zakonskim i podzakonskim aktima;

✓ **178** institucija dobilo je preporuke za unapređenje planova.

148 institucija postupilo je po dostavljenim preporukama, te je Uredu dostavilo dopunjene/korigovane planove integriteta.

Šta Zakon propisuje u oblasti jačanja integriteta?

Integritet predstavlja zakonito, nezavisno, nepristrasno, učinkovito, odgovorno i transparentno vršenje poslova kojim nosioci javnih funkcija, odgovorna lica i zaposleni u institucijama čuvaju svoj ugled i ugled institucije, obezbjeđuju povjerenje građana u vršenje javnih funkcija i rad institucije, te otklanjaju sumnju u mogućnost nastanka i razvoja korupcije.











Sve institucije javnog sektora u Kantonu Sarajevo obavezne su donijeti **vlastite planove integriteta**, u roku od 90 dana od dana stupanja na snagu Zakona, te ih dostaviti Uredu.

Plan integriteta je interni dokument institucije koji sadrži detaljnu procjenu podložnosti određenih radnih mjesta, radnih procesa i poslova nastanku i razvoju korupcije i drugih oblika pristrasnog postupanja, skup konkretnih mjera kojima se preveniraju i otklanjaju mogućnosti za nastanak i razvoj korupcije i osigurava jačanje povjerenja građana u rad institucije.

Ured je nadležan da **vrši procjenu usaglašenosti** dostavljenih planova integriteta institucija sa Zakonom i Uputstvom za izradu i provođenje plana integriteta te donosi preporuke za unapređenje planova integriteta institucija.

Institucije su dužne da **planove integriteta objave na svojim internet stranicama**.

ZAKON O PREVENCIJI I SUZBIJANJU KORUPCIJE U KANTONU SARAJEVO

-  Zakon je usvojen jednoglasno u Skupštini Kantona Sarajevo **29. augusta 2022. godine.**
-  Zakon je stupio na snagu 9. septembra 2022. godine, a primjenjuje se od **1. januara 2023. godine.**
-  Zakon se fokusira na sljedeće ključne oblasti:
 -  **sukob interesa**
 -  **prijava korupcije**
 -  **zaštita prijavitelja korupcije**
 -  **jačanje integriteta**
-  Dva osnovna cilja ovog zakona su **prevencija korupcije** u šta spada sprječavanje sukoba interesa u Kantonu Sarajevo, te jačanje integriteta institucija Kantona i **suzbijanje korupcije**, što podrazumijeva postupanje po prijavama korupcije i zaštitu prijavitelja korupcije.
-  Odredbe postojećih zakona na entitetskom i državnom nivou koji regulišu iste oblasti nisu u potpunosti primjenjive za nivo kantona, grada i opštine.
-  Usvajanje Zakona o prevenciji i suzbijanju korupcije u Kantonu Sarajevo predstavlja novinu u zakonodavstvu Kantona Sarajevo, jer reguliše oblast sukoba interesa koja ranije nije bila normirana na nivou ove lokalne zajednice.

Informacijska lista izrađena je u informativne svrhe i ne odražava nužno stavove donatora.
